



Sa-orang lagi pelajar MARA masok hospital

Berita Harian, 17 April 1968, Page 10

 Article also available on Microfilm Reel NL5410



Sa-orang
lagi
pelajar
MARA
masok
hospital

KUALA LUMPUR, Selasa. — Sa-orang lagi pelajar baru Institut Teknologi MARA telah di-hantar ka-Hospital Assunta Petaling Jaya dan Timbalan Pengetua maktab, Enche Hijjas Kasturi hari ini berkata ia akan menyasat perkara itu.

Pelajar tersebut, sa-orang lelaki, masok hospital kerana demam dan sakit kepala. Ia ada-lah antara pelajar2 baru yang menempoh "Minggu Orientasi" oleh pelajar2 tua maktab itu.

Enche Hijjas berkata, ia akan menyasat apa-kah pelajar itu masok ka-hospital akibat ragging atau achara2 dalam Minggu Orientasi itu atau sebab2 lain.

Pelajar itu sekarang ditempatkan dalam sa-buah bilek tidak jauh dari bilek Che Shukra binti Datuk Kampo Radjo yang masok hospital itu empat hari sa-belum ini.

Mulai puleh

Che Shukra yang pada mula-nya di-beritakan tidak kenal pada ayah-nya sekarang beransor puleh.

Tengahari ini ia menge-

nali ayah dan kawan2-nya yang datang menziarah.

Ibu-nya, Che Rosda binti Ahmad menunggu sa-belah katil-nya sa-panjang malam hingga pagi tadi.

Che Shukra ia-lah anak perempuan tunggal Datuk Kampo Radjo.

Datuk Kampo berkata hari ini: "Saya akan berjumpa dengan Pengerusi MARA. Enche Ghaffar Baba esok."

Bellau telah pun bertemu dengan Pemangku Pengerua maktab, Enche Hijjas Kasturi.

Enche Hijjas hari ini memberitahu Berita Harian: "Datuk Kampo menemui saya semalam dan pehak kami pun telah mula menyiasat peristiwa yang menimpa anak-nya itu."

Kata-nya, salah faham yang timbul telah dapat dilenyapkan.

"Apa yang kami usahakan sekarang ia-lah untok menchari penuntut2 yang bertanggungjawab jika hal ini benar2 akibat ragging atau orientasi."

Enche Hijjas berkata, pehak-nya tidak ragu2 bertindak nanti membuang pelajar2 yang melakukan perkara2 yang memburokkan nama Institut itu.

